

陵川縣新志

第十本

藝文四


祥異

叢錄



陵川縣志卷二 賦八

藝文四



詩

五言古

魏

苦寒行

武帝

北上太行山，艱哉何崔巍。羊腸阪詰屈，車輪爲之摧。  
樹木何蕭瑟，北風聲正悲。熊羆對我蹲，虎豹夾路啼。  
谿谷少人民，雪落何霏霏。延頸長歎息，遠行多所懷。

陵川縣志

卷十八

藝文四

一

我心何拂鬱，思欲一東歸。水深橋梁絕，中道正徘徊。  
迷惑失故路，薄暮無宿棲。行行日已遠，人馬同時饑。  
擔囊行取薪，斧冰持作糜。悲彼東山詩，悠悠使我哀。

太行苦熱行

劉長卿

迢迢太行路，自古稱險惡。千騎儼欲前，羣峰望如削。  
火雲從中起，仰視飛鳥落。汗馬臥高原，危旌倚長薄。  
清風何不至，赤日方煎爍。石露天木焦，鱗窮水泉涸。  
九重今肝食，萬里傳明畧。諸將候軒車，元凶愁鼎鑊。

何勞短兵接自有長纒通越事豈難渡瀟功未播

朝辭羊腸阪夕望貝邱郭漳水斜遠營常山遙入暮

永懷姑蘇下因寄連安作白雲和難成滄波意空託

陳琳書記好王粲從軍樂早晚歸漢庭隨公上麟閣

七月一日曉入太行山 李賀 陸西

一夕遶山秋香露溼蒙蒙新橋依雲阪候蟲新露撲

洛陽今已遠越衾誰為執石氣何凄凄老莎如知鉞

初入太行路 白居易 太原

天冷日不光太行峰蒼蒼嘗聞此中險今我方獨往

慶川縣志 卷廿八 藝文四 二

馬蹄凍且滑羊腸不可上若比世路難猶自平於掌

**金**

一 拳秀峰 秦畧 邑人

平滑石之俗其俗資磨礱磊醜石之秀其秀在醜中

正如古丈夫貌寢氣質雄又如聖人心孔竅虛明通

大都一拳許含蓄華與嵩大巧本若拙足見造化功

好處元更多學寫不易工君其善調護抵擊防兒童

去三 漢見太行 柳經 邑人

二年大河間胸次洶餘浪身與天根浮  
沃漭隨下上靈槎杳虛舟顛倒泥底樣  
恍疑渾沌初溟滓天水象揚鞭得西歸  
瞪目爲一放舉首見太行逸翠垂萬丈  
爽朗肝膽張豁達器宇曠真宰聳奇骨  
頓覺天地壯茲山自佳色何乃氣凋喪  
吾家在椒嶢老霧橫莽蒼松楸日樵採  
山靈亦凄愴何時鶴髮翁攜我踏巖岬  
雖無錦繡裹粗著文彩狀山河表裏全  
自古更霸王於今何索然死石徒映向  
在人不在山先民語無妄行行重行行  
落日兩相忘

懷川縣志

卷廿八

藝文四

三

悲從弟仲德

郝經

銀沙滿玉河界天清露零孤心正耿耿  
秋夜何冥冥念我當屯凶不如初無同  
乃同不周折遠向東南傾制毒方弄兵  
好會其能成蕭蕭變齒髮冉冉頽年齡  
潮生夜江高簷間動松聲心魄忽蕩擢  
攬衣步中庭幽蹤獨往來慘淡關山情  
未信天爲人更着影問形我本不欺人  
萬折氣益盈

晉民謠山行

彭而述

山民全如鼠伏處各土穴相傳爲世守  
卽此是家業

黃髮急朝飧帶泥者山溪殘軀結百鴉蒼顏逼古鏡  
疑是煤鑄成乃有氣些紫叢樹三五抹春深無萌蘖  
老鶻巢其上蓬蓬壓將折不日無款段尺寸入冊籍  
昨年欠官錢又到寒食節懼見城中人疑是催租客

明

太行歌

祝允明

上客坐高堂聽僕歌太行六歲從先公騎馬出晉陽  
遙循厚土足忽上天中央但聞風雷聲不見日月光  
狐兔繞馬蹄虎豹嗥樹旁衡跨數十州四面殊封疆

陵川縣志

卷廿八

藝文四

四

童心多驚懼壯氣已飛揚自來江南郡佳麗稱吾鄉  
逸哉雄豪觀寤寐不可忘人生非太行耳目空茫茫

上太行

王心一

驅車上太行山頌無竒石逶迤有千盤石磴轉偏側  
譬如摩空鳥漸與青雲迫俯見蒼崖間春花間紅白  
山家愛尺土縱橫界如畫上有千年碑孔父留轍跡  
摩沙落日遲返景射石壁祇慮豹虎驕解鞍投荒驛

國朝

郝伯常先生詞堂詩

周勤詰

在昔宋元時天下苦戰鬪中原半淪棄民各散鳥獸

撲臂戕父母

時詞代宋之計於先儒趙復復口宋語吾父母之國安得引他人伐父母

復問幹首公獨矢樸誠不避欲拯拯爲言宋無罪奚

心逞暴寇毅然任國使往解民顛覆億萬生靈生何

暇顧身後其如誤國奸十六載羈候膽志不得伸痛

若負疾疢歸來望太行詩曰氣昏昏可憐揀花堂天

半滴殘雷愴悅鬱不蘇那更榮文繡身亡道弗民作

史正陳壽尚冀延宗肌帝蜀存漢舊庸庸樂宋亡謂

公惜未觀公心如天仁誰與發局敏徒令向火人出

陵川縣志

卷廿八

藝文四

五

語顛公脰偶然鴈足書初不計病詭荒草落鴈池說

破牛馬走載拜視公像有淚泣晴晝

東滌亭

嚴炳元

歸安人

邑踞太行巔四面岡巒峙山高水易窮誰料翻惠水

東河勢最欲象壑皆趨此每逢驟雨來淙淙出闌市

郭外分兩渠匯于菊嶽趾菊嶽隘渠流流益疾如矢

噴薄撼潛蛟奔騰吼狂兇豈乏堤堰功搏沙曷足恃

春鋪累前人少興旋廢弛偶一裂民田礪礪成潰汜

吾公濟時才愛民若赤子冠蓋課耕桑以彼河之涘

曾見潰泐形引爲長吏恥思出經遠謀徬徨勞相視  
溯游得土坡駢石鍵其址埋脚既堅牢茲亭遂經始  
重甍壓怒濤孤標俯清泚左右水盤渦歸然水中止  
東澱澱廻紆傾瀉無餘滓自是絕汗萊農業安耘耔  
頌年報有秋豐登億及秭亭非快雄觀卓哉結可底  
暑考應獨優遷期在彈指颯擊莫能廻餘波潤千里  
王清湖明府新修講學堂成集諸生探韻得上  
字  
汪履基 全椒人

東髮事詩書澄懷抱微尚晦明歷冬春南北苦延訪  
陵川縣志 卷廿八 藝文四 六

學成喟知希策馬時惆悵秋風吹我襟中原偶騁望  
峩峩太行山厥爲河之障關中凝秀色及茲始一放  
萬古青濛濛陵川踞其上都人貧斐然撫躬愧哲匠  
聯轡辱同契 謂清湖 謬謂余直詩大小從我遊逼迫  
不能讓學舍恥涖隘朝夕自掘搗鳩工六閱月居室  
頗爽閒時維冬之孟萬卉俱凋喪感此年運速毋爲  
輕少壯甬勉祛畏惠討論析幽曠途逾莫懼遙義愜  
何嫌削漸逵鴻可儀蟠沉龍可亢譬彼築夏屋丈尺  
憑度量又如涉大川安能免風浪聚散靡常期經會

自嘉熙泰禘一日長守道言非誑他日重經過相與  
證所向

陵川吊莊靜先生

石鴉嶺湘潭人

丹川七才子先生乃翹楚高才卓爾雄早年馳藝圃  
蔡州已淪亡不肯事蒙古避跡空山中浮雲視眷組  
嵩嶺空蕨薇荒墳已宿莽何處薦蘋蘩落日空延竚  
登鳳山望西溪紆道靈泉慨然成咏

王篤祐邑令

夙興駕城西清光散林旭百步得鳳山危崗互聳矗

陵川縣志

卷廿八 藝文四

七

逶迤下絕澗濃春聚迴谷側過桃李綏再聆松栢謨  
空堂生虛濤古寺繞喬木坐从雲影閒森陰布巖麓  
窈窕度層巒靈泉漸洄渙澄泓出乳竇鑑髮若可掬  
盈科濟地行俯仰恣遐矚夕陽下遠山鳴禽媚幽獨  
言尋歸路深却忘羣嶺復

講學堂成集諸子探韻得更字

王篤祐邑令

至教本無言羣分各有性譬彼勤百工居肆業能敬  
濟濟陵川材彪華重輝映束幣延經師形端獲表正  
遼館藹巖塵契龜爲變更蒸彼秀士謀僉言互心証



橋工屯棟梁綿直木斯應先之以土圭即之以階  
垂帶歷中堂美哉輪奐盛藻績集廊廡標題詠晶  
八月築堵成覆簣無中竟雜冠及成童切磋能希聖  
竹梧羅前庭芝蘭榮後徑杖策奉邊豆鶴鳴遠聰  
於此樂鼓鐘兼可習絃誦曩哲景遐矚後賢緇芳鏡  
勗我俊髦人學道惟安定

七里磧

程德炯 邑令

東山朝出雲散作西山影兩山呀然開磧路曲而迥  
七十二折間折折煙雲冥雲迷半山腰足壓後人頂  
慶川縣志 卷北八 藝文四 八  
側步路若廻俯視入如蟻三里復七里窮幽風日冷  
既登天宇曠覽盡中州景廻視黃圍山插天一峰整  
所喜俗醇良耕鑿安萬井

八里棧

程德炯 邑令

蒼莽太行脊凌兢無平面就中覓尤奇懸崖露一線  
石立或如笏石仆或如甌紆迴千仞高州翠空中變  
逼仄復紆迴覘亦眼花炫王公用設險古無鐵衣踐  
聖世棄關繡溝目着芳甸地瘠民力本茅簷歷歷

見對景怡吾神與清暉

過臺北村樂其水木清佳人民淳古有終焉之

志得詩四首

張又華 高平人

雲木散清暉山水饒奇趣夢思輞川莊偶於此中遇

蔀屋數十家歷落沿溪聚人有太古風俗無輕囂務

老幼事田作勤劬無朝暮名利不復聞耕鑿聊自娛

一犁春雨足四野百穀布農人體異強國學簡笑口

溪頭田父迎細草軟可坐雖云昧平生幽興不相左

沙鳥林間鳴隱隱如歡和傾茲山村釀共話兒女課

鷄犬靜不喧桑麻漸已太平疇新麥翻綠浪風輕搖

陵川縣志

卷廿八 藝文四

九

夜燈明衾榻薇蕨供盤餐愧我迷世塵良會真偶然

寂坐賞清景纖月升林端落莫山中人分茲一宵歡

夜話深不倦前簷風露寒云和平生曲與不醉玉

日曙雲村白晨鴉噪高柳農人辭我起驅午前溪口

靜對仙臺山秀削一峰陡買田定幾時薄游往難从

去去尋歸途隔烟屢回首人天古風谷神靈

留別李天龍李鳳舉房興公三社友

秦之鉉 邑人

春風柳眼青世人眼獨冷勞勞征途間日暮傷流景

逢君一熱腸風雨多咽啞卿書八月斷天泉十日永  
佳句滿奚囊片言發深省長提真陡峭歸思如牽符  
自昔君子交頓令裘馬省詩盟千里外努力共相憫  
宋 過王蘆洲興福寺書舍 楊 灝 邑人

一寺千松裏寺路窄復曲扶筇陟避嶺始得曠遠矚  
煙銷衆壑深風磬隨空綠忽聞讀書聲隱隱隔林木  
披雲覓匡廬石床對修竹一卷維摩偈幾間謝公屐  
幽人古情性精舍絕塵俗雲吐石心空泉鳴山意足  
向夕澄清陰松色爭如沐何當同素心共掃白雲宿  
陵川縣志 卷廿八 藝文四 十

鳳山卽景

楊 灝

飄零復磊落孤雲何所宜去去鳳山下容與良在茲  
烟銷一徑綠水流山之陂側見山杏花背巖兩三枝  
惟攜一壺酒獨遊亭午時清風松下來穆如澹無爲  
七言古

宋

行縣詩

提刑黃 蕓

河東人物氣勁豪澤州學者如牛毛六家子弟弄文  
墨其次亦復踴弓刀去年較射九百人五十八人同

賜袍今年兩科取進士落鈞連引十三鰲邇來習俗益趨善家家門戶爭相高驅兒市上買書讀寧使田間禾不媻我因行縣飽聞見訪問終日忘勤勞太平父老知此否語汝聖世今難遭欲令王民盡知教先自鄉里丞羣髦古云將相本無種從今着意鞭兒曹

金

題張彥寶陵川西溪圖

元好問

太原人

松林蕭蕭映靈宇爍石流金不知暑太平散人江表來自訝清涼造仙府不到西溪四十年溪光林影想

陵川縣志

卷廿八

藝文四

十一

依然當時滕上王文度五字成詩象口傳忽見畫圖

疑是夢而今塵土浣華顛

陵川在太行之巔蓋天壤間清涼境界也江淮太平

故人題詩東廟自謂已造仙府恨居民不知其樂耳此縣先君子舊治襄滸西溪僕以童子侍焉彥寶出此圖求賦詩感今懷昔為之愴然故篇中有及癸丑十一月三日題

送詩人秦畧歸蘇墳別業

元好問

三月不見君渴心欲生塵論文一樽酒雅道誰當陳

昨朝見君臨水句乃知拙青配白非詩人南山明月

北山雲恨君不作山東隣擊鮮為具非無好事者天

隨杞菊年年新石田茅屋連蘇墳兩兒力耕足養親

看詩或者昌晚節不應道路長  
逡巡白髮刁騷一  
巾豐年鄉社樂閒身  
蹇驢馱入醉鄉去  
袖中知有眉

山春

穀靡靡

上黨公府作

秦

畧

邑人

穀靡靡青割將來強半批  
急忙春米送官倉只恐秋  
風馬塵起官倉遠在蒹  
麥山南梯直上青雲間  
梯危一上八九里之字  
百折繁迴環憑誰說向  
監倉使解面莫教高一  
指請君沿路看擔夫汗  
顆多於所擔米

元

陵川縣志

卷廿八

藝文四

三

太行望

郝

經

邑人

半天遶斷連青城參差雉堞雲間橫  
當時十歲初渡河舟中錯愕來相迎  
今年恰得到蘓門百泉亭上更崢嶸  
千岳萬壑入絕壁落日倒銜山盡赤  
玉立萬仞磔鯨牙金翠千層擁  
龍脊天沉影重看不足雲淨烟虛晚  
尤碧西北兩峯寒云是雙石人不覺  
淚橫臆慮難思二親一從戎馬三十  
年桑梓慘澹埋荆榛何時笑兀過絕  
頂拜掃卽園見鄉井黃沙神頭聞有  
千尺松灑盡苦淚吟長風注目只向  
東海東

太行元氣果不死，弊世有此鬼傑士。胸中羅列世間書，泛異窮奇無不至。嘗借花周十日，還成誦未嘗遺一字。萬言默識殆片時，記問區區總餘事。詩文清確簡且高，澗步不讓坡谷豪。散談四座誰敢言，橫膝搔吻獨滔滔。未見皆如汲冢竹，劃開書若并州刀。迢迢孤風送行雲，爽朗夜月虛秋濤。初欲有爲下天井，竄竊遂抱霜毛整。時危事去可傍人，清露滿天還自警。終不一到當塗門，迴視俗子徒紛紛。洛城西南有佳處，竹間水繞梅花村。此中儘可嚼佳句，笑傲烟霞有深趣。著書藏山不示人，坐看石口生老樹。九臯清曠誰不聞，海內至今揚清芬。鄉閭晚生不及見，掩淚空讀遺山文。

藜杖行

郝經

荒藜一兩青，墻隅數莖拘。深勢扶疎柯，葉張磔忽過。墻赤絲縮結，綠珊瑚雨餘霜。重凋傷後，瑩節高肥幹。枯瘦斷截爲杖，勁且堅。黃玉壓手光欲透，更將月漬。靡朝暎潤滑，隱隱分細紋。家君垂老漆數僕，憑藉看

月復穿雲倚牀半夜風雨怒只恐飛騰作龍去乃爲  
作詩重相告從庾少陵挑杖句天生此杖向吾家再  
起袁宗振剛華會當直到太行頂指點千年墓上花  
剷除蕪穢重洒掃橫琅琅過庭教楮傾柱壞植孔  
孟亦使子孫扶聖道

題郝內翰所作夢觀瓊花賦後

張

鷲

襄陵人

釣魚山前龍上天武昌城外走蜀船老奸欺國馳露  
布使者坐囚吞雪瓊潰兵一夜甲填水血汗木綿花  
下鬼豈知老仙方別遊鶴背天風扶夢起頽雲扶月  
陵川縣志

卷七八

藝文四

古

光西流玉簫聲斷江聲愁露華泣盡瓊樹死廣陵春  
色寒於秋百年遺賦人爭重勁墨迺毫精爽動鄖旌  
零落喜生還回首江南已如夢花神換根春更芳想  
像月色扁餘香楚招無人青鳥去公不少留滯泗滂

明

太行山行

石

堆

懷城人

太行之山何崔巍巖幽谷隱藏風雷漢軍已料騎士  
屈魏武重歎車輪摧其間如墜下如井雲作炊烟濕  
垂纒羊牛只道來層霄雞犬方知接入境山僧何年

任山頂亦有山田二三頃非關避世應避名武  
之玩流景

題雪竹

王尚綱 人

君不見東風入上林紅芳顏色新又不見薰風過南  
浦萬卉那可數卒然搖落金風起上林南浦一時枯  
惟竹青標延歲月陰崖寒谷長飛雪成云枝幹奇要  
是根株別冰壺秋月羞君潔嗟哉此君真苦節嗟哉  
此君真苦節

初過武子見壁間所題雪竹画乃知蒼谷先生為

陵川縣志

卷廿八 藝文四

五

武金壇夫人姬氏永者也夫人清苦蒼谷先生之  
題畫之矣余恐其久而湮沒乃移之於石是舉也  
蓋將以夫人之德彌人彌彰併金壇公刑家之化  
及人之政於是乎益可徵也已知陵川縣事關中  
李麒謹跋

國朝

鐵花行

周京

試燈時候繁新火簇着冠兒鬪花朵星流電掣須臾  
間閃閃晶毬滿街墜未聞鼓鑄融洪鑪煉鉛鍊汞精



金鋪青黃反覆視人而火候一足爭喧呼近爐火視人而青者

熟黃者是紅健者祖疏薄丹砂橫飛十丈開明霞凌過郎不成花

雲高樹觸星點紛紛散落蒼葡花子花萬花半空起

天女乘鸞啟玉齒盡掃瑤臺絳闕雲打魂成團作歡

喜我聞下策用火攻看爾勇猛肩胛紅幻弄奇技供

一笑捲地疾走驚兒童

遊靈泉

顧疇無錫人

霜落風高重九日萍踪人托寒暄易將雛旅雁更悲

秋愁坐書齋頭欲白招邀同到此山中有幽棲據

陵川縣志 卷廿八 藝文四 三

龍脊縉紳先生雅趣多點綴林泉成勝跡仰視層巒

插天立俯聽流泉探地脉山靈不放山骨埋山亭新

建賢侯額花黃冷艷泛寒香亦是花中真隱逸奠酒

殷勤且共歡興酬脫帽傾瓊液軒冕泥塗雨不妨奚

必拘拘事踟躕人生百年得幾時領取秋光莫輕擲

屈宋文章誰主盟當時杜老真詩伯賤子蛩吟愧不

文聊將俚語引新壁醉罷狂歌歸去來明月山僧送

行客

崇安寺古松

石鵝窺湘潭

烟霏霧霽佛天綠老松偃蓋根蟠屈濤挾雨聲雜梵  
音鶴捎子落打僧屋方丈六月如秋寒行脚兒童嫌  
衲單火宅人世正愁苦那知此處清涼團我欲箕踞  
此松下脫巾露頂受風灑有夢不占十八公放懷且  
當萬間厦人生百年貴適意功名事業不須計君不  
見崇安古寺老松樹香雲花雨相沾溼萬古不遭斤  
斧伐常得支離白雲際

崇安寺古松

項炳  
江西人

陵川縣志

卷廿八

藝文四

七

晴空霧捲青鴛屋偃蓋孤松青蘊蘊挺秀龍岡幾百  
年貞挺含芳擎老綠礪柯常崎白雲隈欽幹扶疎真  
蹠跼矍矍初來嶺畔風濤聲擁處漱金玉當秋度月  
影婆娑有客羌來松下宿飛節芝旁嘯也歌燦枝爲  
解傾醺醑問渠歲歲發春華經霜自古推寒木不隨  
紅雨聞媽妍不共冰綃競龍辱柯葉森森貫四時齊  
天等地起凡俗姑豨終作棟梁材寧許沉精老幽谷

慶有亭

項炳

閒遊慶有亭靜倚欄干立乾坤一望中嵐光飛几席  
蘼蘼湧晴烟環亭寺出碧斜窺雉堞低屹墉羅咫尺

烟火萬家春滿城  
花笑日臺樹聳層  
霄圖面窗中集  
吾思大造一浮漚  
有如白駒催過隙  
當筵得酒騁幽  
懷身外浮雲安足惜  
頗傾綠蟻沁詩脾  
捉巧藏鉤吞酒力  
酩酊自覺天地寬  
可能雕墨敲香自掃  
文犀  
有客問我曰歸乎  
我則曰遣奚奴驅  
齧膝醉折花枝  
嘯且歌也應踏遍  
蟾光依盤崖

黃園洞歌

孫必振 邑令

黃園之山山谷口夾崖  
長林風怒吼曲磴  
嶙峋鳥道通扶筇  
巖巖登緣陡峯回路  
轉現琳宮老衲藏  
修時  
慶川縣志

卷廿八 藝文四

六

歲从爲言洞中別有天  
登探須把衣衫抖  
洞口霏霏煙霧輕  
莊嚴妙相當  
臙腫後笑兀說法  
臺寶瑱玲瓏三五  
耦石乳懸空滴  
漉漿龍泉清冽  
激瓊玖四壁斑斕  
翡翠屏鳳篆龍章  
雜蚪石芝倒掛  
白鶴飛石脊蜿蜒  
蒼螭走更有幽奇  
探不盡洪濛浩氣  
忘昏酉肅肅陰森  
衣袂涼炎天六月  
歸何有遊罷玉樓  
肌粟生幸有高人  
載斗酒把盃長嘯  
響天風欲起何妨  
時被川村農皓首  
喜相從不減山陰  
五老叟魚羔蒸黍  
酌使君使君莫負  
攀枝手秋來紅葉  
滿山隈乘興還

思來再否

熊山吐月

陳封爵 邑令

皎皎東方月，團圓峽中起。休疑垂兩足，奮能雙削耳。  
山開一鏡明，華映兩峰紫。古今望月人，徒嘆隔千里。  
何如白玉盤，夜夜照山趾。桂枝既可折，嫦娥近可指。  
拉熊扶額踏，當頭月來闖。入蟾宮裏探奇，自合據要津。  
抱日海門亦如此。

登太行山絕頂放歌

王篤祐

邑令

太行山色天下稀，上接參崑連雍岐。不雨不晴何窮

陵川縣志

卷廿八

藝文四

七

空濛雲氣相，因依萋萋朝暮數。變易羲娥出入爭，  
激虧前峰永已後。峰巒譬如萬馬齊奔馳，又如神龍  
戲滄海之而鱗鬣無不為。九千四百八十仞，上黨以  
南大河西。有客牽衣為我語，十年不到夢見之。竭來  
僕被入三晉，俯仰懷古心酸悲。古人不見今人傷，狂  
風黑月天茫茫。玉女投壺光下霽，乘雲徑欲排帝閭。  
白日西行不到地，陰霾一氣連清蒼。以手捫星坐長  
嘆，牽牛織女遙相望。中有飛鳥不得渡，盈盈一水限

河梁。我所思兮，邈何方。欲歸不歸，晚故鄉。手弄日月

云三光鳳鼓翼分鷹為翔下視蓬島波泮泮雲車指  
點引歸路美人招我南山陽噫吁戲夫行山色鬱鬱  
龜河聲終日鳴如雷遠方之人胡為來茫茫中道無  
與偕側身南望傷心懷

九日一覽亭登高

程德燭 邑令

九日風光樂清敞俗醇政簡足游賞一覽亭枕西山  
麓萬戶魚鱗示如掌茱萸作佩幾家新凸坳登高多  
醉人我亦出郭高酌酒時清無事逢茲辰家山遠隔  
楓香驛濠上秋光懷曩昔聚星堂遠不可到皖伯臺

陵川縣志

卷廿八 藝文四

十

向夢中憶承乏茲土今幾霜逢秋便愛黃花香一覽  
一快供一酌興來今日累十觴樂意不必寄絲竹但  
願吾民適其欲飽覽歸田東籬下如繡風烟尚在目

石勒塚

張承綸 高平人

洛陽東門湖雛嘯五岳塵飛始暈益魚龍髮際一時  
傑乘機鳴鏑騁凶暴運籌子房張右侯季龍克殄十  
三州趙王趙帝誰能節自方開基介二劉怪雲如幙  
妖石墮殷雷震地土燧火蒼黃夜半庵深山高平文  
物陵虛鎖清莽界下河流丹荒城五月松揪寒紅日

當天走狐兔牧樵躡蹠下崇安古寺傾墮春草綠鈴鐸無聲山鬼哭孝文誠非將家子伊霍終爲破車犢

陵川古意

徐還素

邑人

荒堞堯陵亦抱川每於林杪見朝烟分符會以開皇  
歲建社猶傳大業年烟寺石印薄城隅日照龍門晚  
不去天布朝霞列錦屏春色西來滌煩慮獨秀芙蓉  
上有仙能招雲氣秦嶺巔琴歌風雅懷貞白芍藥名  
流課酒錢雙開熊耳月華吐高懸靈瀑如飛素怪煞  
黃梅洞裡天蒼龍玉兕能呵護傑立太行霄漢間等  
陵川縣志

卷廿八

藝文四

五

閒指顧見千山中  
有鳳山真英絕飛閣長松羲夢閒  
俯視中州何其峻  
九千四百八十仞  
峇靜風傳太古  
音隴頭擊壤謳堯舜  
地偏笑厩清涼界  
由來上女鮮  
撥棹蕭蕭市路寡  
羅裙秉耒橫  
經誠不懈忠孝文章  
羨有餘遺山老  
筆有成書義烈賢  
良想競爽後先炳  
炳黃徵車丈夫時  
異嘆遭逢誰向山  
深劫虺龍睡起  
餘醅成獨嘯幾回  
閒看出元峯

五言律

金

游石壁

郝天挺

邑人

絕壁秋雲勝荒墉冷氣清野僧遲客飲山鳥習人鳴  
已極登臨興無窮今古情浩歌入樽酒四海共昇平

元

送郝季常赴正陽幕

劉

因

保定人

上黨清涼界超然慕白雲名家得之子勝境苦平分  
鼓角生新壯詩書失舊勤江淮古形勢有樂在從軍

明

西溪壁間得屏字

婁凌雲

邑人

陵川縣志

卷廿八

藝文四

三

曲水圍青帶回岡抱翠屏冠裳仍廢榭鷗鷺自寒汀  
霞覆千年樹風翻十月萍少陵何處問徙倚白雲亭

同武少原宴古賢寺清涼泉

袁

淮

邑令

鶴擎披丹嶂名泉泛玉觴吾曹兩龍劍萬古一滄浪  
花落隨天女雲深度上方高僧有靈惠徒此挹清光

登九仙臺

袁

淮

蕭瑟河東尉東登仙子臺丹砂遲歲月身世一悲哀  
石磴穿雲上霜蹄俯撻迴衆觴邀白日醅酌固山隈

登九仙臺

武思孝

邑人

罷訪層岩洞，還登仙子臺。岵橋渡天漢，欄水送風雷。  
翠巘凌丹碧，彤圖挂島萊。何年遂棲隱，因此白雲堆。  
奇和貞白子，登九仙臺。  
武思孝

命駕追仙跡，傳時見景曾。林深陰日月，春暖尚霜冰。  
落照層巖渡，寒雲萬壑興。仙卽獨高竦，不與我同登。  
其二  
武思孝

謝俗飛仙鳥，凌巘採玉芝。臺無青鳥跡，駕有白雪隨。  
細雨沾衣落，遲風拂面吹。徜徉嘯空谷，九老盡何之。  
興福禪院古栢  
王元祚邑人

陵川縣志

卷廿八

藝文四

三

古栢可亭中，蒼蒼翠滿叢。偏宜秋月白，更許晚霞紅。  
有子心原若，無花色亦空。知君持晚節，不與衆芳同。

古賢寺

陳

棊  
陵人

澗深夾峭壁，山折路猶迂。泉响遠還聽，嵐光近却無。  
崖松真可友，茅屋亦堪圖。何必桃源境，丹霞卽聞壺。  
贈別袁貞白先生  
徐休  
邑人

八載今重會，溪山一日遊。仙臺尋隱跡，洞頂眺河流。  
別路人爭候，鄉祠借共投。飛槎天外落，雲樹思悠悠。

贈別袁貞白先生

徐

棊

邑人



夫子含香客聲名動帝京餉軍過舊縣攬轡出山城  
父老拔軼回兒童竹馬迎征車竟莫挽別恨不勝情  
過鯉池寺  
李萃秀 邑人

東陵堪避難蘭若縱閒遊嘯徑逢僧話濤聲動客愁  
捷音頻着耳詩思幾搔頭安得清冷路一消兵火憂  
西溪春色  
李開秀 邑人

春風澗上好雲日漲青烟漫森白何了疎林花欲然  
香流紅雨外翠滴玉壺邊乘興訪嵇阮溪頭問杜鵑  
古陵烟寺  
李開秀

陵川縣志

卷廿八

藝文四

五

城郭烟霞老蒼蒼抱寺門迴廊留月色斜壁走雲痕  
靜影香臺繞清音石磬存禪林一夜雨市井滌心魂  
熊山吐月  
李開秀

狐猿啼處處熊耳鬱網緼報白雙留影含青不斷魂  
花情麗峭峽笛意吹崑崙下壑非人斧開山作海門  
仙臺勝槩  
李開秀

峰高幽隱俯淒淒仙風多翫扣九還妙遙登十丈峩  
箕敲連斗柄茶熟飲天河七日呼王母洞中事若何

聞陵川有警

潘憲王

獨猴山中寇農桑殊可悲黃巾還自敗白馬竟何之  
鳥合枯林夕魚游沸鼎時材官幾籌策况有射鵠兒  
國朝

十四夜借同學致遠樓小酌是夕陰晦待月不

至賦贈二律

巖肇壩

烏程人

客路逼中秋鄉心起甚愁同人俱載酒待月且登樓

燈火千山夕琴樽一閣幽相期須盡醉夢作廣寒遊

其二

巖肇壩

天意知人意良宵客路難故藏明月影不教異鄉看

陵川縣志

卷廿八

藝文四

五

雨葉當筵暗風燈掛壁寒願留餘興在明夕繼清歡

春日陵川對酒

汪履基

全椒人

把酒意不遑行吟南陌頭可憐古時月空照今人愁

羈鶴朝思侶孤鷺夜憶儔迢遙千里夢朱玉此淹留

魯山村和文忠公故里

太守朱

樟錢塘

青氣洩黛川起西勝地偏

地棧西溪

鷓鴣鳴三晦宅

地名鷓鴣鄉見

金鹿角一刀田疎族繁枝衍

村中荆刺

孤忠衆口傳

過溪松韻落覽古企前賢

青草深林色

元遺山魯山琴臺詩青草出深林

風流接汝南

公廷地有南魯

山見元鴈池人不見蒞汁飲猶其味  
史本傳 黎殘春柳驚眠

淺裏鷺從人訪遺跡來往恣幽探

陵川城南謁却文忠公祠仍至前酌

朱樟

晚巷閉寒烟煖題一徑偏已凋池上樹誰拜墓門田

桃梗人難辨蟲碑字失傳

廟石二道俱無字

上丁陳俎豆幸

躋類宮賢

公祀典在春秋上丁

鏡蓮亭外路寄恨與淮南

公留真州新館有鏡蓮亭

大節人難及

孤忠死已甘祝詩因愛鴈情帛更快野蠶

帛書高五寸博二八元仁

陵川縣志

卷廿八

藝文四

美

宋時詔裝演成卷集賢臣題識之見宋文憲書

後棟蓐春何晚堂成許共探

祠即公櫟華堂故址宋

巡察欲重修因有落句

謁却文忠公祠

雷正邑令

瞻向城南路先生有舊祠棟華留迹踏蔓草發春時

右社供香火諸生候屢屢

老諸生李燦日俱灑掃

慚余邑令尹

薦菊採東籬

重至龍王泉

王篤祐邑令

偶愛水清淺重來芳樹陰鳥啼故相識雲在若為尋

寫寫日穆午盈盈花滿襟翛然遠城市安得駐山林

龍泉曲水

程德炯

邑令

一潭龍窟水宛轉流成溪源逐峰腰散波疑巴字迷  
蔚藍天影曲迤邐野花齊合集蘭亭客流觴東復西

遊黃圍洞

施璿樞

榆次人

性愛探奇勝黃圍洞甚深踏雲行曲徑攀石到禪林  
幽境滲塵胃空山生道心歸來一返顧翠靄碧沉沉

乾河道中

施璿樞

榆次人

結屋空山裏家家入翠微片雲生石壁流水護柴扉  
鷄犬能相認牛羊聽自歸陶唐風景在一路學忘機

陵川縣志

卷廿五

藝文四

七

落鴈池懷古

張又華

高平人

一泓春水綠猶是昔賢居池擬金明舊人歸患難餘  
指波浸翠黛倒影入青虛終古隨陽鴈年年泣帛書

春日遊西山

和元化

邑人

雅負各山癖捫蘿數徑還情豪捐肺病目爽見溪烟  
紅杏能含裝青楊願分初披松呼石丈拜潤忍經年

含珠岩

武靖遠

邑人

雅愛林泉勝尋幽百里餘巖危還綴菊澗窄亦游魚  
鳥道雲崖險人烟草樹疎興來無限趣別復憶吾廬

宿鯉池寺

武靖遠

陟險叩禪扉孤峯翠黛圍  
擔雲欲卧宿樹鳥方歸  
厨冷茶烟細堦空木葉飛  
莫嫌山寂寞松色屢沾衣

拜郝晉卿先生墓

馮魏邑人

愛山羞捷徑文獻重吾鄉  
跡隱名彌著身埋道自芳  
殘碑留夕照孤塚發清光  
仰止風斯在山高嶺水長

宿奪火雲居寺

和友邦邑人

精舍建何年禪林別有天  
閒雲眠石徑皎月照山泉  
犬吠松門靜鐘鳴佛火懸  
軟紅此間歇一榻卧寒烟

陵川縣志

卷十八

藝文四

天

宿崇安寺

武維城邑人

為愛招提靜常空皓月臨  
三更清道味午夜肅禪心  
松古蟠千尺樓高聳百尋  
殘燈相笑傲載酒樂微吟

重遊西溪

武維城

欲足閒中趣仙宮可復遊  
蒼松何鬱鬱碧水正悠悠  
木落人煙淡山空鳥道留  
特來叅妙諦此外更何求

餘興登菊嶽山

武維城

策馬幾忘住同登菊嶽山  
僧房仍寂寂落葉總閒閒  
臥古成喬木峯高接遠嶽  
壺傾天已暮且趁夕陽還

龍泉山沼

馮浩然 邑人

翠嶺千峰登瀛瀆淺幾曲長一溪流水遠到巖落花香  
寂坐松陰靜高秋酒助狂徘徊新月上世外樂徜徉

西溪春色

馮思良 邑人

一徑入峰西迢遞勢轉迷重重山翠密樹樹杏花低  
野鳥歸青嶂遊人渡舊蹊綠陰濃欲破借得曉鶯啼

黃園洞

秦懋效 邑人

古洞雲封鎖年深積弊苦巨靈何代鑿俗客不曾來  
繞曲盤龍穴陰森固禿臺春風瑤草路樹樹碧桃開

慶川縣志

卷廿八

藝文四

五

春日原上

秦懋效 邑人

春水漫高下沿溪柳滿堤鳥鳴山翠裏家在石橋西  
野火隨風起桑田帶雨犁年年原上路烟草自凄迷

龍泉曲沼

秦懋綱 邑人

白鳥飛溪渚西風水自流冷雲孤壑暮落葉亂山秋  
已與塵中遠因知世外幽抱琴蘿徑回期宿候同遊

靈泉

秦學南 邑人

醉卧陂塘下心閒物自閒野花翻石壁高樹插雲間  
緩酌盃中酒遙看屋上山翻然警午夢樂意總相關

靈泉

秦學南

野寺澄清徑飛泉統崖流懸攔舒望眼對景自悠悠  
白石和雲煮青山對水浮鳥鳴幽澗底應為客情留

靈岩寺

楊灝  
邑人

何代靈岩寺週遭峭壁封一燈明古刹瘦碣冷蒼松  
閒拂樞邊翠卧聽雲外鐘晚來明月出恰照正中峰

花瓶寺

楊灝

幽覓花瓶寺盤迴入薜蘿白雲封谷口紅杏滿岩阿  
禪意妙香永佛心空色多無人知此境惟有石頭陀

陵川縣志

卷七八

藝文四

三

夏日過崇福寺

薛景作  
邑人

古寺傍山曲蒼茫雲樹深綠蘿繞蹊徑脩竹蔽庭陰  
霽色含殘雨泉聲雜梵音徘徊香閣下清况涼塵襟

靈岳寺

孫  
邑人

何處散塵襟幽尋蘆蘆林石堂丹水曲松院白雲深  
破衲閒僧意空潭古佛心草深人跡少鐘日坐清陰

華岳寺

孫  
邑人

野寺空山裏秋風一徑斜古牆猶竹色深院落槐花  
直沒空王碣雲棲釋子家我來秋水澗為愛讀南華

路轉孤峯出林

開見石闌白雲歸亂壑斜日下危巖

草色閒門靜松

陰古殿寒言尋仙洞在高固欲燒丹

喜雨亭

傅巖邑人

野亭鎖溪水小築薜蘿陰倚檻看山色夕陽嵐翠深  
牧童歸遠渚飛鳥下前林俯仰天地濶披襟三弄琴

五言排律

宋

太行

司馬光

陵川縣志

卷廿八

藝文四

三

象帝胚渾散愚公轍迹開橫行四極外踰踞九河隈  
崩鬱天關近崢嶸地軸回陽崖明草樹陰壑轉風雷  
波杏羣峰涌雲奔峭壁來猿崑垂磊落龍窟聞喧喧  
噴雨驚湍灑跳星巨石頽平塗憂展折跬步戒輪摧  
覆頂手春雪綠潭萬古苔谷盤容國士髓裂餌仙才  
晉市飛樵札燕郊落燒煤碁圖分冀野蟻壤認叢臺  
在昔王塗塞嘗聞霸畧恢巖關陰伏甲間道夜銜枚  
挾詐揮金斗貪功襲墨織戰場空燭火京觀悉蒿萊  
險易曾何變興亡只可哀隆平方恃德襟帶自崔嵬



元

讀國信大使劾公帛書

王逢

西北皇華早東南白髮侵雪霜  
 蕪武節江海魏牟心  
 獨夜占秦分清秋動越吟  
 蒹葭黃葉暮昔箔紫雲深  
 野曠風鳴籟河橫月映參  
 擇巢幽鳥遠催織候蟲臨  
 衣攬重裁褐貂餘舊賜金  
 不知年號改那計使音沈  
 國火空皮幣家應永藁砧  
 豚魚曾信及鴻鴈豈難任  
 素帛辭新館敦弓入上林  
 虞人天與便寄事感來今

七言律

陵川縣志

卷廿八 藝文四

三

宋

登第

崔有孚 邑人

太平天子御金鑿奎宿光茫  
 午夜寒漢代文章推董  
 買唐家科第屬歐韓龍門浪  
 暖成頭角鴈塔風高快  
 羽翰最是看花年正少  
 莫將濕飽問儒冠

上太行

徐範

路繞羊腸躡展躡萬山金碧總堪題  
 壘頭日月中天  
 近極目乾坤五岳低  
 自笑揠車馭驥厄誰憐荆棘鳳  
 凰棲欲投古寺禪房宿  
 喜見僧歸落日西

寄答景元兄

元好問太原人

故人相念不相忘，頻書書來約對床。甚喜樵夫與爭席，所憂簿吏復登堂。春風和氣隨詩到，洛水秦山引興長。奮袖高談夜窻白，幾時危坐聽琅琅。

高平道中望陵川二首

此縣先隴城府，有泰和中舊治。

元好問

列宿澄明墨綬尊，中臺良選到名門。來時珥筆誇健訟，去日攀轅餘淚痕。一片青山幾今昔，百年華屋記

陵川縣志

卷廿八

藝文四

三

生存泰和遺老今，誰在向道其紫有子孫。

鈴閣文書到酒卮，諸曹小吏亦抄詩。座中住客無虛日，簾下歌童盡雅詞。棠棣有花移舊巧，櫻桃和露彈

繁枝書印零落頭。今白腸斷荷衣出拜時。棠棣櫻桃皆當時舊

贈答郝經伯常伯常之太父予少日從之學科

舉

元好問

故家珠玉自成淵，重覺英靈賦予偏。文陣自憐吾已老，名場誰與子爭先。樽腸正有五千卷，下筆須論二

百年莫把青春等閑了  
蔡邕書箱待張傳

元

贈司馬道士

劉因保定人

仙界清涼亦陸沉  
風流儻素渺難尋  
白雲自解留佳

客青帳端能鏤壯心  
知已未論鳴鳥賦  
移人先聽水

仙琴野夫近有南來興  
乞我庵前十畝陰  
司馬氏陵川各家陵

川或謂清涼境界

憶柳伯常

劉因

一檝期分兩國憂  
長纓不到越王頭  
玉虹醉吸金陵

陵川縣志

卷廿八

藝文四

三

月元鶴孤遊赤壁秋  
漠北蕪鄉重回首  
天南王粲幾

登樓飛書寄與平南將  
早放樓船下益州

先大夫忌日

柳經邑人

墨綬歸來草滿墳  
擬將遺墓奉遺言  
幾年竟墜蹉跎

計萬里徒勞恹澹魂  
客裏可堪逢忌日  
夢中却得見

生存連夜夢見先君如平生  
遙知今夜佳兒女  
哭斷寒雲靜掩

門

送陵川魏夢臣

柳經

太行一脊壯中州  
上有吾家巖上頭  
蓬髮他鄉淹歲

戶錦衣何異  
并松揪塵埃滿面  
起愁聞說棟  
華堂尚在紫荆花好  
羽翼生心慢

題和伯常雁足詩

張 楠

深鷄孤錦髦  
毛斑猛虎搖鬚障  
海安玉樹已歌歸  
逝水羽書難射  
隔平山不須抵乳  
終回漢肯學鳴鷄  
詐度關一寸螭  
丸懸鴈寄明年  
春盡竟生還

過浚河

張 楠  
邑令

浚瀨抖擻布  
衣塵不意羈縻  
又淡句夢裏松杉  
孤客淚雨前薇蕨  
故園春身無定跡  
空懷德藥有何方  
可陵川縣志  
卷廿八 藝文四  
三

明

次西溪春色韻

李 滄  
邑令

山爲屏帳石  
爲臺水府龍宮  
曲折回盤氣結樓  
迷澗壑虬枝疊翠  
落莓苔阿否行  
雨隨車去  
蝴蝶與雲出  
洞來樵採  
山人歌伐木  
不知身世在蓬萊

大旱祈雨於佛山寺

李 滄

佛山頂上接  
樓臺墨客詩僧  
日往回載字古碑  
冬歲月樓驚老柏  
半莓苔雲從能耳  
山頭出而自龍池水

來一點  
屋飛不到始知人世赴蓬萊

龍門喚

李澗

排闥山形類  
禹門夕陽返照倒金盆  
落霞隨鷺爭高

下宿靄和烟  
五吐吞鴉閃殘暉  
投遠圍馬嘶官道盼

孤村陵川勝  
景真如畫天設元無斧鑿痕

西溪春色

李澗

層層樓閣鎖  
丹臺仙子乘鸞去  
不回聯錦有詩閒翠

壁採芝無路  
邱蒼苔樓真洞口雲常在  
掬水溪頭月

自來水旱只  
因遺廟祀幾時飛佩下蓬萊

陵川縣志

卷廿八

藝文四

三六

西溪春色

趙焯  
蒲城人

山中三月春  
無信攜酒西溪問杏花  
臨路一枝迎我

笑夾河十里  
傍誰斜金穿高柳鶯求友  
泥黥空梁燕

作家踏月醉  
歸香滿袖明年還看上林華

悼牛耕詩

王克耘  
邑人

流賊中原敢  
弄兵憑君一語得全陵  
人民安堵無遭

戮城郭依然  
不被頌壯志應知同許遠  
捐生該不愧

真卿當時已  
宰何無報直使英雄悼血繩

遊崇安寺

劉鍾英  
澤州人

客裏踟踰半日閒，舊時僧去未知還。  
秋初渾愛桑麻長，雨罷頻聽殿閣聲。  
落煙雲南過雁，勢連城市北來山。  
樓高却望陵川下，兩袖天風暮倚闌。

崇安寺次韻

郭堅

解組歸來杖履閒，喜陪星駕醉忘還。  
輕雲半榻禪機靜，新雁一聲秋色寒。  
逸興偏題樓外景，好懷惟托眼前山。  
使君去後棠陰在，明月不堪人倚闌。

崇安寺

馬炳

招提雄峙翠微中，獨占陵川第一峰。  
貝葉初翻青霧集，沙門未啓碧雲叢。  
上方禪客晨炊罷，劫火頭陀曉夢空。  
古刹何知因趙守，老僧時對夕陽紅。

陵川縣志

卷七八 藝文四

三

馬武山

馬炳

太行高處不勝寒，積雪危峰霄漢間。  
東後幾經紅日落，晴時遙見白雲閒。  
東皇布令開瓊島，北帝司權落玉關。  
六月相將逝，酷暑冰崖疑不在人寰。

崇福寺

何喬新

廣昌人

疎櫺斐几漆方牀，暫解征鞍宿上方。  
石徑春陰松滴翠，山房晝暖藥生香。  
溪雲欲動琅函潤，神月初來碧

殿京最愛六顛無星礙靜中應笑退之忙

道中問俗

鄭 洛 龔南

仗節觀風逐太行 陵川遺俗自陶唐 幾家茅屋千山暮 一徑烟蘿五月涼 雲裏孤城藏市井 雨中絕頂見耕桑 民間生事猶難問 熾谷蒼茫思未央

古賢寺

武 儀 邑人

齊雲峰對懋層樓 四顧溪山總是秋 黃葉滿階風自掃 碧烟當戶雨初收 雲封僧寺藏松樹 日轉花陰挫石頭 高興翩翩天壤外 題詩只為主人留

陵川縣志

卷廿八

藝文四

武

箕子山

武思明 邑人

憑虛望遠坐箕山 萬壑千峰似瑛環 泉石歲華閒蔓草 町畦村落杳塵埃 壯懷感昔龍高卧 幽思深慚豹未斑 聞道古人清跡在 樵夫遙指白雲邊

秦嶺卧雲

武思明 邑人

青山遙望若屏開 上有閑雲漫作堆 黯淡火停籠澗壑 氤氳常是護樓臺 只宜隱士自怡悅 更許幽僧共遣排 莫謂無心還有意 要為霖雨潤埏垓

孤園山

徐 休 邑人

孤標千仞五層空，秀出塵寰第一峰。高髻雲深堆翡翠，青螺山竊插芙蓉。忽升象外三千界，似躡雲衢幾萬重。最是邑中奇絕處，從來雄峙鎮提封。

佛子山

徐河 邑人

絕頂諸天此搆臺，忽捫斗極覓昭回。左齊右晉分基局，北嶽南嵩覆廩堆。野鳥倦飛無力上，閒雲投宿有時來。勢超兩黨諸山外，獨自攜筇卧草萊。

西溪同中山李公次韻

徐河

綠蘿躡磴到仙臺，性愛尋幽喚不回。空院荒涼深歲

陵川縣志

卷廿八

藝文四

五

月古碑剝落半莓苔，燒丹洞口雲空在。煮石林端月自來，好景相逢成樂事。何須海上覓蓬萊。

石勒塚

武俊 邑人

五胡石勒壓羣曹，長嘯東門氣自豪。瓜割一方成霸業，鼎分五馬賴時髦。並驅光武言徒大，不學曹瞞識頗高。莫弔孤墳傷往事，晉家宮闕亦蓬蒿。

石勒塚

張信 邑人

龍虎紛拏勢若蒸，當時晉勢漸侵凌。洛門長嘯心何壯，襄國稱雄志已增。偉績書知書在牒，英魂誰識寄



高陵西風晚眺層樓上曲曲  
欄干獨自凭

西溪次王六泉登樓韻

徐壽 邑人

喬松古柏蔭宮濃載酒借朋  
雙眺中沿岸園林紅杏  
擁逼門石磴綠苔封龍祠泉  
噴流深壑仙閣霞飛耀  
遠空酬飲不知天色暮醉歸  
扶杖過橋東

同懷雲登箕子山

王克耕 邑人

與君乘興上箕山萬仞丹梯  
任意攀桐杪緩行同躡  
足石巉笑飲共開顏飄飄天  
外凌歌袖裊裊雲中舞  
瓊環自是謝安多逸興日西  
著屨漫追還

陵川縣志

卷廿八

藝文四

四

仙臺勝槩

竊守初 邑人

屹屹層臺聳碧空樓遲當日  
隱仙翁碁敲石上千山  
月笛弄崑前萬壑風香雨洗  
天松子落寒雲匝地樹  
陰籠晚來洞口留殘照疑是  
燒丹火尚紅

仙臺勝槩

武錫 邑人

翠壁丹崖數百尋攀蘿躡磴  
上雲岑仰穿石洞龍蛇  
窟靜聽松風鸞鳳音容我乾  
坤真浩蕩同君天地幾  
登臨青囊自有長生藥何用  
抽簪學道林

庚午長至駐玉溪

王肇生 冀南觀察

午夜提兵駟玉溪上方一榻借禪栖山頭斗接諸天  
迥峽裏蜂傳萬木西清地豕蛇驚破竹何人鎖鑰抵  
丸泥曉鐘未起嵐光冷有客婆娑聽舞鷄

龍門晚照

郁永思

邑人

西峰拱翠號龍門口瀕嶼國尚未吞天闕倚壘凌象  
緯月華將出報黃昏人看佳景沾行露鴉背殘陽翥  
別村終納震淵沉海底暫留餘彩照乾坤

熊山吐月

郁永思

山如熊耳一雙睜夜夜水輪向此生桂影扶踈搖海  
慶川縣志

卷廿八

藝文四

望

瀚澹光皎潔映空晴珠呈老蚌分開碧劍落高峰割  
破青獨立良宵清不寐令人却憶李長庚

熊山吐月

司之翰

邑令

兩山高並立雙熊夾捧銀盤上海東松柏參差搖桂  
樹岩岬超絕倚蟾宮偶因甲地鍾神秀每使詩人詠  
畫工雲振滄溟龍起鰲山球一躍吃晴空

靈泉瀑布

張堯卿

聞異人

行山峭拔倚雲霄空谷聲傳瀑布湖似霞遠看渾不  
見如絲長掛任風颿空濛雨氣晴還暗滴瀝林烟晚

更饒自是山靈深作事水晶簾箔綴瓊瑤

題徐氏義居

自徐貴徐改徐喚以下凡七世同居世傳山歌及輝等僅五世余不取臨故詠及之

彭鸞

孕秀鍾靈本太行故家喬木倚雲長百年孝義騰三

晉累世衣冠萃一堂懿範追攀張氏輒高風遠播鄭

公香他年太史收遺事麟華書題更有光

八景

李培秀

邑人

炬寺鐘聲時一聞忽驚晚照髮華紋玉盃早泛熊山

月石枕高眠秦嶺雲芳草去溪難再得錦屏秋色欲

慶川縣志

卷廿八

藝文四

聖

平分不酬瀑布靈泉飲盡一仙人也笑君

趙狀元故居

李萃秀

邑人

千秋聞說狀元香况是元方與季方走馬曾看花是

錦聯奎爭羨鴈成行青山不改當年色紅杏猶含舊

日芳聖世南宮虛第一驚駭慚愧未羨翔

遊西溪二仙祠

韓國賓

邑人

听柳曝花山色濃碧雲深處隱仙踪流丹高閣教春

住漱玉飛泉借露封松頂紫烟翼翡翠峰頭霽日插

芙蓉庵留共挹清樽倒疑在蓬萊第幾重

佛山寺次壁間韵

韓國賓

窟壘高闢枕層台萬壑千峰勢抱回  
巖巖慈雲籠翠壁廉纖法雨點蒼苔  
烟迷洞口濃還淡月照松關去  
又來長嘯登臨空世界何須海上問蓬萊

西溪韻

雙凌雲

邑人

鶯囀仙宮春色濃人登蓬閣入雲中  
欄邊石嶂青松立院內香臺碧草封  
流水彈琴鳴後澗飛花倚酒舞  
長空也知美景難常得自合題詩紀壁東

靈泉瀑布

李萃秀

陵川縣志

卷七十八

藝文四

望

歷盡千盤一鏡開排空倒壑勢濼回  
誰施練影拖蒼谷疑剪珠文綴紫苔  
彩動朝雲清可供聲搖夜雨冷  
宜酷冷然不減匡廬勝相對懶非太白來

國朝

石勒塚次韻

姚德亮

漢川人

歷歷羣山帶落曛嗶嗶疑鬼唱秋墳  
金漆毒盡春前

草鐵騎魂銷死後軍發掘寶應泉下湍

勒發古帝王陵寢殆盡

作勞鐘向夜深聞如何偷率荒山裏猶有人傳史傳

過七狀元

祠有感

姚德亮

事過中原問去  
士並占鰲頭利

因狀元名號七前人獨誇虎榜先  
殊倫閒尋祠廟空山下若箇連茹接鳳麟  
用賓一邑金元乘際會百年鄉國歎

登菊嶽山

雷士佺  
沔陽人

峻嶒高出五雲

幽此是方壺最上頭萬樹松楸清影

覆一區禾黍翠

光浮老龍洞府驚狂雨  
山有白龍祠是日風雨大

作開士山房接

素秋為問菊花香發處不妨重約到

林印

陵川縣志

卷廿八

藝文四

四

立秋口致

遠樓晚眺

嚴肇墉

烏程人

登高易使旅情

傷况值西風送嫩涼秋意與人同索

寞客愁和日落

蒼茫殘山斷水家千里薄靄疎林雁

一行指點故鄉

何處是依欄無語獨徬徨

秋日偕同

學遊菊嶽山小憩松林下

嚴肇墉

獨撐孤掌小城

東生翠嶺响映碧空為訪秋花登菊

嶽却攜杯酒聽

松風客來犬吠寒雲裡飯熟僧歸清

磬中幽景閒情

消不去一齊收拾付詩筒

小亭高峙白雲隈  
限到春光特地來  
樹擁錦屏橫疊嶂  
烟籠古寺護層臺  
環堤柳色侵香篆  
繞座嵐光泛酒杯  
醉裏共看花嘯處  
紅綃此日為誰開

再過崇安寺

馮文正 壺關人

佛家因果去來今  
對此茫茫思不禁  
逐鹿摧殘中土盡  
含珠安穩夜臺深  
切灰誰辨生前骨  
論世猶誅死後心  
畢竟誅非齊瓦裂  
桓山石柳亦銷沉

鳳凰窠

朱棣 錢唐

陵川縣志

卷廿八 藝文四

望

何年構此鳳凰窠  
那許人欠弄玉簫  
毒草經秋濡虎尾  
斷崖分路轉鷹腰  
鷹腰村名入河南修武林  
寒蟬歇後桐初落  
好鳥啼殘雪未消  
地冷只疑丹穴杏  
肯容斥鴳笑扶

搖

陵川行田

朱棣 錢唐

辨氣猶疑四月中  
高林敷綠草粘紅  
麥頭已仰無需雨  
麻脚初齊尚畏風  
著絮耘見  
他時得稱豚蹄祝  
花落村南社鼓同

在縣

黃團靈湫

孫必振 邑令

青鞋短杖躡山岑十里嵐光雨後新  
斷續脚聲來遠岫高低梵唄隔疎林  
雲生虛谷含千界氣結洪濛空四鄰  
出洞塵心無着處此身疑是葛天民

崇安寺

雷正 邑令

得暇來探古寺中清風白日與何窮  
岡巒歷落丹崖泐林木蕭疎碧殿崇  
四面煙生開晚照一樓雲起出遙空  
自嫌不是陶彭澤爲覓微鐘問遠公

石勒塚

雷正

陵川縣志

卷廿八

藝文四

巽

晉代衣冠對夕曛羌渠猶是剩荒墳  
洛陽倚嘯東門豎襄國殘魂別却軍  
占得一坵汚樂土未須千口說腥聞  
何緣指向空山道後趙題碑續斷文

菊嘯松濤

程德炯 邑令

遠嘯連弓勢漸高烟嵐如畫蘸周遭  
祠前菊淨三秋露墜下松寒六月濤  
日到漳門鋪翠毯風來天半奏雲瑤  
乍聽一片湖旬韻錯認江波送遠潮

讀郝陵川集願後

張文華 高平人

會擬詞章步後塵秋來燈火况相親  
中原濂洛同千

古窮海水霜又一入江冰  
殘春淋漓忠義毫端湧如  
信文從悲難真

九仙臺

武靖遠

邑人

臺高疑可接蒼穹俯視塵  
寰與不窮好鳥頻啼州樹  
紫夕陽斜照暮山紅雲披  
絮影沿階起松滾濤聲繞  
徑通安得萬緣俱掃盡常  
來天外肅秋空

黃圍靈湫

鄭州璽

巨靈鑿就竟如何惹得尋  
芳墨客過龍卧不驚神雨  
井鶴飛常護老雲窩高蟠  
乳壚擎金界倒瀉天門轉  
陵川縣志

卷廿八

藝文四

聖

玉河疑到虛明小有境浩  
然清興發長歌

雨中望樓雲寺

武仟

邑人

山頭微雨曉濛濛佛寺蒼  
茫小徑通樹色未分疎窳  
際嵐光齊付有無中倪迂  
水墨清如許摩詰樓臺画  
亦工遙憶山僧高卧處一  
峰煙雨護簾攔

大觀亭

武仟

邑人

茫茫煙樹出城端躡屐登  
樓得大觀百尺文峰窻外  
晴一灣碧水座中看鷺鷥  
遂陌春將暮雲暗平山畫  
欲寒匝日風光搜不盡  
陽烟雨共盤桓



登九仙臺

武 仟 邑人

百丈仙臺俯碧湍登臨當  
向靜中看紫峰疊峙烟雲  
合白雁橫秋草樹寒雨洗  
霜楓紅欲滴風翻古栢翠  
將攢目因乘輿窮千里醉  
倒斜陽意未閒

西溪春色

武維藩 邑人

山上喬松山下溪古陵臺  
色數城西天挑越暖唇先  
笑弱柳隨風眼欲迷不斷  
鶯聲催細雨無心雲影護  
前溪青來亭畔遙相望疑  
是平湖十里堤

黃圍靈湫

武維藩

陵川縣志

卷廿八

藝文四

吳

孤峰峭立號黃圍洞裡幽  
奇見者稀神井澄清龍穩  
卧天門映帶鴿雙飛靈通  
此地關雲紫風吼長空暑  
氣微偶與山僧登絕頂飄  
飄塵外不知歸

靈泉瀑布

武維藩

山形峭拔太行巔斷岫時  
飛百斛泉滴瀝珠光圓似  
蚌輕明雪浪淡如炮晶簾  
懸瀉無虛日鍊影翻空不  
計年自是源頭來活水會  
心只此得真詮

古賢山

武去私 邑人

憑高望遠意條然怪石層  
崖一徑偏但覺眼寬紅樹

外不知身到白雲邊峯頭嵐氣凝千疊寺角鐘聲拂  
萬緣美兩山僧清且淨夕陽斜處出蒼烟

望黃園山

武去私

古廟巍巍接紫氛逢秋更覺繞清芬岩間樹色堪遮  
日山側人家半入雲松影多從明處見佛香遙自靜  
中間低徊不忍輕回首飽看嵐光到夕曛

佛子山

武去私

何必蓬萊尋海島白雲堆裏有禪關淺深嵐氣蒼烟  
外高下樓臺綠樹間曲徑穿林人不見飛花隔岸鳥  
陵川縣志

卷廿八

藝文四

四

知還登臨屢倚疎欄坐爲愛斜陽綴遠山

秋日登黃園山

薛景祚 邑人

孤峯聳出太行巔有客登臨夕照懸九曲黃河來眼  
底半空晴雨落臺前陰靈古洞蛟龍隱幽僻深林虎  
豹眠乘興不知清磬歇秋山夜色靜無邊

南陽寺

楊灝 邑人

一帶危峰挂晚暉青山斷處露禪扉香台頗有天花  
墜勝地何年錫杖飛磴陟虎溪雲上屨松攀龍谷翠

生衣潺湲流水如斯洞日暮菴僧遊未歸 如斯洞有李萃秀題

寶應寺

楊灝

靈泉寶刹古秦開亭午無人自憐攀清磬忽缺諸虜

斷白雲高卧一身閒時看度嶺僧孤去仍待冲煙鶴

獨還只有洞門開不得恐飛蝴蝶亂青山秦嶺卧雲即此又素

取上黨築關于此俗傳有洞不敢輕啓

遊西溪歸途口占

張和松邑人

春山淡淡草萋萋十里烟光望轉迷客路盡行飛鳥

外人帶一帶小亭西連雲樹色遮青障隔竹桃花滿

陵川縣志卷廿八 藝文四 五

綠堤聞道龍泉風景好更隨斜日過前路

五言絕句

國朝

靈泉瀑布

陳封舜邑令

喜見含珠岩不見鯉池水晴天薄霧中常棹白龍尾

東澗亭

陳封舜

古記岳陽樓關心樂與憂東澗由我造彷彿砥中流

甲午上巳借錫山明經顧君豫章孝廉項君山

都廣文施君遊西溪

程德炯邑令

何處得春多西溪春如許溪前桃李花冰穀兼紅而  
鎮曰西溪上風恬人共樂柳鶯聲滑滑酒對黃柑酌

石勒墓

田瑒 陽城人

平生多異志此口總榛蕪落日空山裏還能一嘯無

西溪春色

趙時和 邑人

水抱千巖秀花明十里堤西湖春色好飛入小溪西

蒲水

李載 邑人

花落空山裏蒲溪春水流行人不渡處盡日橫孤舟

支公擘

王業廣 邑人

陵川縣志

卷廿八

藝文四

至

雲從石中生石如雲裡墮獨看層岩間石留雲出壑

錦屏朝霞

武去私 邑人

好去錦屏山還聯芍藥會玉杯泛流霞逍遙白雲外

龍門晚照

武去私 邑人

雙崖一豁開西壁空青斷返照在龍門城中疑曉旦

南巖

傅弼 邑人

繁林澄落照石磴沉清景日夕山意涼參差亂松影

北巖

傅弼

灌木聳喬岑虛嵐淡崖壁深林返照明蒼翠濃如滴

馬鞍山

傅弼

峭壁染晴雲青危如削玉夕陽下遠山澄然湛盪綠

胡桃精舍

傅弼

色相空梵域塵襟靜薜蘿倚檻默不語閒階清蔭多

蔚谷

馬模

雨霽衆山青幽禽競相逐一聲清磬間空翠墮林水

澄碧池

李思白

蘋藻交菱荇蒼碧如可拾清曉弄明波靡靡綠苔濕

煮茗泉

武振山

陵川縣志

卷廿八

藝文四

五

山影落閒潭微波澹不起薄暮汲清華幽芬滿蘭藥

興福寺牡丹

楊炳

芳林澄夕照欄外微風息溪戶闌無人名花艷嬌色

興福寺古檜

甯靜遠

蘋末起微風冷然入古檜虛堂靜不喧颯颯聞天籟

熊山

張和松

蕭蕭空翠亭十里紅塵隔夜靜耐峯寒當空秋月白

一覽亭晚眺

傅巖

日暮山水清憑軒望不極夕陽下遠岑巒樹生寒色

七言絕句

金

白巖寺羣山環抱村落相望惜乎無水因作詩

書石上當有水出

李晏

邑人

只有山光無水聲我疑神物固巖扃如何鑿得飛泉

出當為山僧叱六丁

山寺尋春春已遲紫梅猶有折殘枝老僧兀坐如枯

水花謝花開總不知

題却文忠公墓

李晏

陵川縣志

卷廿八

藝文四

七

仗節江南羨此行真州猶稔使君名雒城鬱鬱埋西

澣恨不生還蘇子之鄉

趙洛道中

趙安榮

邑人

柔青初散隴頭桑木樹落人家布穀聲一段藍青渾着

角葉間猶有幾枝黃

和陶公之二

趙安時

邑人

宛似安仁滿縣花風流善政祖根基太平官府看看

見再活疲民數百家

寄申百勝三首

劉昂霄

邑人

真氣南山相與高爭教塵土澆青袍征科頗似曾料  
理差勝參軍作馬曹

執版那時拜下 風世間禮數因英雄狂歌醉舞人誰  
識憔悴通泉郭代公

連昌能隔幾年 鴨不見令人鄙齊生乘輿時思一相  
訪劇談豪飲見真情

題裕之家山圖

劉昂霄

萬里神州劫火餘九原夷甫有餘辜作詩為報元六

子莫倚家山莊 畫圖

陵川縣志

卷廿八 藝文四

畫

中秋登城 有感

張光輔

秋日臨登望野 田太行巔上月初懸清光偏照民家  
婦織得春衣辦稅錢

下太行

李俊民 邠人

山中日日伴雲閒不見閒雲只見山君去試從山下  
望青山却在白雲間

雪行

秦 畧

匹馬東來永雪天蒼山爭冷墮吟鞭煙中髣髴聞鷄  
犬不覺人家到眼前

郝生知林州

劉 因保定人

到處雲山是我師不愁無物慰相思只從隆慮烟霞色領取幽人笑傲姿

西溪二仙廟留題

元好問 太原人

期歲之間一再來青山無恙畫屏開出門依舊黃塵道啼殺金衣喚不回

元

弔石勒塚

郝 經 邑人

都門長嘯氣憑陵瓜割中原霸業興夜墓深山人不度川縣志

卷廿八 藝文四

筆

見至今猶有守墳僧

明

春日

張 疑 邑人

翠微深處幾人家風颺輕烟雨拂沙牛勒野桃開較晚向陽纔有兩三花

西溪春色

張 瓚 邑人

邑城西去鳳山西流水淙淙遠大堤只為韶光堪賞翫東風桃李自成蹊

西溪春色

徐 鉞 邑人



喬松蒼柏滿山頭更有清泉山麓流好景不隨寒暑  
易分明別是一瀛洲

題都君錫隱居

李安時

恬處深山物外身門前常是聚蹄輪已知谷口馳名  
人孰謂清朝乏子真

過三狀元故里致望庠中諸友路王道屯留人

扶輿淑氣萃當年三占鰲頭萬古傳此日方張羅俊  
網應多麟鳳繼前賢

九日登錦屏山徐承奎邑人

陵川縣志 卷廿八 藝文四

葉

一味疎狂學漫遊暫攜萸酒話深秋叩觴龍峽恣清  
傲坐看岩前溪水流

春日西溪尋花 徐壽邑人

不負韶光二月天西溪春色正芳妍酒蔬行處圍泉

王克耕邑人

古帝鳥花飛叙老年 日暮溪頭花滿烟醉來扶杖至溪邊兩箇嬌鶯山外

轉一鈎新月柳梢懸 武銞邑人

尋花尋到夜深歸露滿花枝香滿衣不是留連樂不

顧只惜春殘花漸稀

初登太行廻望有思

王世貞

大倉人

千山立馬送斜暉  
平楚蒼然色漸微  
最是東南欲盡處  
黏天一點白雲飛

懋九儂臺北斗殿

李萃秀

邑人

昨夜北斗殿裏眠  
手攀斗柄枕青天  
醒來雲散銀河轉  
攜得星辰兩袖還

錦屏山

李萃秀

爽氣澄秋映曉風  
如屏錦嶂鬱葱葱  
幾家鷄犬千山下  
萬里煙雲指顧中

陵川縣志

卷廿八

藝文四

五

國朝

雙狀元峰

嚴炳元

歸安人

七子金貂七葉榮  
一家更占兩魁名  
茲峰留得芳馨在  
山鳥喧傳臚唱聲

龍門雁塔

嚴炳元

蟬蛻鬱結勢蟠虬  
劈破雲根翠欲流  
煉石洪鑪高磊塔  
題名宛在曲江頭

棲雲寺

頊

新建人

棲雲古寺夕陽斜  
紫竹枝頭曳晚霞  
杖老僧閑不

語一聲清磬落曇花

題石勒塚

朱樟

難與高光步後塵但留尸塚未全湮洛陽不遇青眸  
客誰識東門倚嘯人

襄國魂飛喪此川離離衰草蔓秋烟漚麻池外人應  
笑地下人曾厭老拳

身前身後禍無端狐塚獾蹊嘯夜寒未必不疑人發  
掘只將鬼域矚曹瞞

酌酒難招羯部蒐英雄君乍起盜中原佛鈴聽徹應微

陵川縣志

卷廿八

藝文四

五

悟合與山僧守寺門

反翻文忠落句

西溪春色

黃國瓌

邑令

水白桃紅色色新林鶯燕燕日相親無能學種潘花  
艷散作河陽百里春

龍門晚照

黃國瓌

日薄餘曛納物明林泉澹澹夕陽平  
巖聲不到民風靜尚有丹心照赤城

秦領卮雲

黃國瓌

一片茲雲度遠谿無心動靜欲懷邊關中澹洒多霖

雨日濟蒼生事有期

太行行四首

陳封舜 是令

東西地勢控陵章齊晉天開壓太行 處處澗泉舍箔

東年年山木帶新霜

背橫王屋面河陽絕頂城臨泣水壑 笑我輸他花似

錦惟知鄉校與耕桑

表裏山河自昔名乘時策馬太行行 七年課最何循

績大愧純公令晉城

風塵歷落六泉行宦海蒼茫萬里荒 南望白雲驚杏

陵川縣志 卷廿八 藝文四

渺東來紫氣幸分明

是

西溪春色

陳封舜

送春春到碧流西四月花開慢錦堤 堪笑遊人爭旦

晚不言桃李自成蹊

黃圍靈湫

陳封舜

黃圍巧鑿瀉靈湫陸海鰲峰一部洲 古木橫沙深卧

處重來瞥見隔溪流

水口閣成漫題二絕

王篤祚 是令

畫堞遙臨翠嶽開天光雲影共徘徊 登樓盡日看山

好此地還應雨後來

看花不住啼山鳥繫艇誰憐漾浦波  
日向長堤種楊

柳行人應愛夕陽多

元夜陵市觀火

程德炯 邑合

偶爾尋春畫市中上元簫鼓慶年豐  
明爐楫袖連宵

熾不數星橋火樹紅

鶉鷓胡桃莫後陳陵川瑞炭比烏桕  
香街披拂東風

早散作城中萬戶春

棲鳳山

張承綸 高平人

陵川縣志

卷廿八 藝文四

卒

萬壑風生萬壑松溪雲迢迢隔山鐘  
小鳥見人全不

避一聲啼破綠陰濃

空翠亭

馮亮工 鳳臺人

野花溪水映疎櫺好是雲根空翠亭  
讀罷南華秋水

賦夕陽閒對數峰青

占晴

秦之鉉 邑人

秦嶺山頭霧未開荷蓑戴笠自徘徊  
綠疇已抵蛟龍

窟幾許嘉禾幾草萊

過西溪

武作 邑人

紅杏花陰一徑斜  
流泉堤畔有人家  
錯教認做源  
水溪岸旋來太守車

遊寶應寺

李蟠 邑人

偶登絕巘望神州  
寶氣浮空淡不收  
大敞山門舒老眼  
看山無處不迴頭

嶺上閒雲卧幾重  
雲閒我卧倩雲封  
高天露浥三更月  
人在瑤華第一峯

西溪春色

韓方昭 邑人

溪水源頭東復西  
巧將春色逗沙堤  
花香鳥語真堪

陵川縣志

卷廿八

藝文四

李

賞山送青來觀石蹊

黃園古洞

武敦 邑人

山中古洞洞中山  
仙子乘鸞去不還  
石鶴一隻輕似蝶  
時時飛出碧松間

落雁池

王希曾 邑人

帛書繫足事何奇  
此地人傳有雁池  
十六年留淮海  
上老臣辛苦望歸期

蕪墳別業

張士謙 邑人

竹影蕭蕭梅影疎  
清風明月野人居  
曾誰剪燭西窗

下寂歷空山讀漢書

竹枝詞八首

傅學周 邑人

春鵲嚶嚶春鳥啼遙迎羽駕出西溪沿街士女紛如  
堵爭換仙花立大堤

竹林隘巷暖融融蠟炬燦時滾火紅高洒飛花鎔鐵  
汁虹光星點落空中

榭榭蒙籠聞白楊蒲公英放石岩香晚涼社鼓村村  
急競賽山神避虎狼

山坡青翠雨初晴山杏花開布穀鳴攜得一甌漿水

陵川縣志

卷廿八

藝文四

五

飯黃沙嶺畔餉春耕

菊蠟浮青蒲水寒牡丹開罷又山丹鋤苗隴上薰風

燠半翅飛過社稷壇

櫻子初成稷米香蒲觴酒熟喫雄黃山深五月虺蛇

惡間繫朱絲續命長

胡麻蠶豆繞籬黃茭子浮紅映野塘秋事畢時先赴

縣今年穀熟早完糧

欸冬花發石崖稀簷外鷺毛雪乍飛十月陵川山氣

冷家家祀祖送寒衣

靈泉瀑布

韓彬 邑人

含珠崖畔瀉靈泉匹練長  
垂古寺前月映波心開寶  
匣白龍夜夜抱珠眠

雙狀元峯

韓彬

山城匝匝繞崇墉雙乳中  
撐劍氣衝七子釣鰲三島  
外至今爭說狀元峰

陵川迎仙詞

秦懋敏 邑人

焚香無語拜靈仙二女明  
粧共儼然祈得一犁寒食  
雨今年好白種春田

陵川縣志

卷廿八

藝文四

奎

雙持羽扇下蓬萊遙指雲  
榭翠幃開到處花街奏歌  
管年年此日賽神來

棲鳳山頭日欲斜光狼城  
外散春霞門前多少紅裙  
女爭換仙姑鬢上花

雨霽過崇安寺

王伯儀 邑人

紅欄曲曲鎖烟霞路遠蒼  
苔一逕斜五月連朝熟梅  
雨門前開遍馬蘭花

十里河

柳壯邦 邑人

兩岸青山十里河峰迴谷  
轉總清波行來漸滌塵襟



盡一路潺湲流水多

井嶂

張和松邑人

昨夜春溪起漲痕斜風細雨過前村  
山中竟日無人到一樹桃花滿洞門

陵川縣志

卷廿八

藝文四

雷

終

朝霞散彩飛水送迴谷轉總清波行來漸減塵襟

扶藜

謝味林邑人

盡一嶺散彩飛水送迴谷轉總清波行來漸減塵襟

陵川縣志卷二十九

祥異

祥祥之所關大矣而舊志止載金以來夫虎負

渡河反風滅火長者以為偶然而非偶然也或

反是而竟以為偶然也邑有祥曰我所召邑有

災曰我何辜此皆秦越人不關痛癢之言視肥

瘠而隔膜視也羅載從來用資修省志祥異

金正隆間嘉禾生明年一禾隔五壠同穎

趙安時記

元順帝至正十八年二月乙亥地震

陵川縣志

卷二十九

祥異

明隆慶三年七月地裂二十丈寬尺餘

萬曆十五年三月初三日地震

二十六年七月初十日雨雹禾稼多傷

三十四年九月天鼓鳴

三十七年秋大荒

三十九年二月地震

崇正十三年大旱夏無麥秋無禾是歲斗米千錢

陽城陵川沁水民多餓死人相食骸骨滿野

國朝順治二年新鄭書院產紫芝二莖

四年飛蝗蔽天食苗幾盡民沉亡

五年秋大水殺稼

六年二月初六日地震

秋澤雨山頭皆水害稼

七年七月二十七日大雨雹傷人害稼歲大稜

十年旱饑

十一年旱饑

十二年大旱斗米錢千五百

十三年嘉禾生

陵川縣志

卷二十九

祥異

二

十四年嘉禾生有三四穗者

康熙七年夏六月十七日地震

八年鳳山道院生紫芝知縣孫必振記

十二年六月十一日雨雹

十三年地震

三十四年夏四月六月澤州高平陽城陵川沁

水地震與太原汾潞屬同日地震奉

旨發帑散賑

三十五年青霜無稼大饑民食榆皮

六十年歷春徂夏亢旱至六月始雨農夫力耕

秋大有

雍正八年東北鄉雨雹三次民多流離平城鎮有

糠市

十年八月湯庄村民秦遇緣妻婁氏一產三男

奉文給米五石布一疋折給銀六兩五錢

十一年太清觀災廟極高遠向爲祝釐之所四

月二十一日夜忽火從殿出光照四山越四

日始熄

以上舊志

陵川縣志

卷二十九

祥異

三

乾隆十九年七月十四日大風害稼

二十二年至二十四年大饑民間食榆皮草實

餓死流散者無數有糠市

二十二年雲谷圖池水紅大疫

二十三年霪雨連月不止民間房屋頽壞者無

數城圮

二十四年城中有鹿從西北城下掛一角而去

二十五年夏五月雨雹大如鷄卵深盈尺

二十九年大有年

三十二年七月彗 星見於東方

三十五年八月十三日太清觀 萬壽宮慶雲

見十一月南關 諸生馬伯顧妻侯氏一產三

男

三十七年有年

三十八年七月二十九日地震

三十九年有年

四十年有年十一月十一日地震

四十一年大有年

陵川縣志

卷二十九

祥異

四

四十三年三月十四日東關三元巷民李珪妻

四玉氏一產三男

終

三十八年有年

三十九年有年

四十年有年

四十一年有年

四十二年有年

四十三年有年

四十四年有年

叢譚

士有終其身不傳一語者賢雋抑塵  
 戲謔或臉  
 對多人口至數世傳之不稍衰傳其言  
 與傳其人  
 與傳其言之人與傳其人之言與是  
 卷中得諸  
 父老留於蠹編遺山及郝氏譚為夥  
 然則人遺  
 山之人則亦言遺山之言家郝氏之  
 家則亦譚  
 郝氏之叢而已矣豈篋龍畫鬼之謂  
 哉叢其可  
 譚亦西陽桂海之意也志叢譚

陵川縣志

卷三十

叢譚

逸書趙獻子城泣氏竹書梁惠王九年晉取泣氏有

泣谷水

四州文獻

畢氏紀郭經洹水圖說謂洹水出洹氏縣疑今澤州

陵川左傳聲伯夢濟洹水而歌注云水出汲郡林

慮縣東北按林慮今彰德府林縣圖經曰洹水出

林慮山西北入洹水縣舊曰洹氏縣在澤州高平

按洹水或泣水

省志紀云陵川寶應山又名秦嶺謂秦時所築以事

考之長平之役秦人遮絕趙救兵芻餉而築按秦

嶺去寶應山四十里許秦嶺在縣西北拔高平

孟門有二一在龍門山北河出孟門之上是也一在

太行山東左傳襄公二十三年齊侯伐晉取朝歌

入孟門登太行吳起謂魏武侯曰殷紂之國左孟

門右太行杜預注云孟門晉隘道而不言其處所

孟門者太行隘道之名疑卽今陵川之白陘耶

王烈嘗上太行山崩如雷往視之石裂中有青泥如

髓丸之隨凝如粳米乃合數丸歸示嵇叔夜已成

青石矣

天中記

陵川縣志

卷三十

叢譚

二

又嘗入抱犢山中得一石室室中有兩卷素書烈讀

不知其字不敢取頗諳十數字形體歸書之以示

叔夜叔夜盡知其字烈喜乃將叔夜往識其徑分

明至失石室所在竊語弟子曰叔夜不應得道故

也

天中記

齊民要術載汜勝之術曰牽馬令就穀堆食數口以

馬踐過者爲種無好蚘之患今陵川有野蚘廟高

平有好蚘嶺廟之祀典不知所從始攷野蚘食苗

蟲也卽食米強蚘唐書五行志開元年閭榆闕蚘

蚋蟲害稼入平州界有羣雀來食之一日而盡唐  
宋時紀此蟲害稼有至大饑者不可不知張有復  
古編作子方義同

元史載石勒園生入蔓葩甚茂禮斗威儀曰人君乘  
木而王有人蔓類人形將相輩出有以僞亂真者  
在人主識之識其無用不以蘿蕪當蔓之用識其  
有用不以蔓當蘿蕪之用則必不至以人國人命  
僥倖矣

崇安寺舍利記金泰和八年澤州判官崔甯記云因

陵川縣志

卷三十

叢譚

三

隨縣官防脩蟲蛹於陵川縣城外崇安寺止宿時  
縣宰云本年閏四月初八日本寺獲佛寶舍利初  
寺之西南屢現光相城外俱見一日二小童見  
隙地一穴有火光出驚走告於父秦貴秦貴輒移  
往就其中劔之得一葬所因詣寺告於僧圓月僧  
集大眾往觀之乃古葬地中置一瓦浮圖門鎖已  
毀一碑有舍利之讚四字咸通八年陵川縣令崔  
琛建塔安葬舍利開於秦貴昔爲縣令藏今復爲

縣令出僕親見之故錄其舍利真像及舊碑文通



作一軸置於佛龕中

楊筠松爲陵川武氏相阡地於赤石山取螭螭出泥

形申龍入首作甲向後至宋金間連中武明甫叔

姪三狀元至今子孫蕃衍代有衣紫者得水淨沙

明之故也地理一統全書歷代傳聞記說楊公當日相此

地謂右邊龍沙飛走不利初代必遷居金水之鄉

方大發左龍廻環有勢前面一字文星不在二三

世定在四五世連登科甲出翰苑詞臣後武樞密

白遷遼而貴右支子孫也左支舉鄉貢學究者五

陵川縣志

卷三十

叢譚

四

六人數傳有三殿撰出焉

採武氏家譜

武文端公及第時夢家中梅花盛開清香襲人姪天

佑及第時夢如前至天和及第又如前夢適報至

文端公喜作口號曰科第蟬聯父子間龍領誰道

取珠艱年來頻獻梅花夢最上一枝誰敢攀

郝天祐崇安寺佛寶舍利記云佛寶舍利屢有異光

現於寺西南隅衆莫能識迨泰和八年四月八日

光復大於常時僧俗大衆尋其跡而探之得古葬

藏佛寶其文班班可考迺唐咸通間縣令所作考

其歷數自咸通八年蓋三百四十有二年也師造  
金壇護持間於縣宰縣宰命工圖之以紀其詳

邠天挺謂其弟子元好問曰學者貴有受學之器器  
者何慈與孝也今汝有志矣器如之何

武學士天和甫七歲賦鳥影過寒塘詩云着眼分明  
莫作疑從來形影本同歸不應水底青天上更有  
飛禽仰面飛先達趙仁菴見而竒之下其遠到妻  
以女後果延試第一

金李彥實森工於詩有云少年日日醉花邊短白長

陵川縣志

卷三十

叢譚

五

紅一一憐自笑老來心尚在惡風常廢五更眠又  
賦梅花云冰骨有香魂乍返玉顏無暈酒全消人  
多傳誦之

李致美晏釋褐臨汾丞時張太師浩判平陽一見愛

其才爲之延譽曾與興陵有藩邸之舊入翰林爲  
學士高文大册號稱獨步改昭義軍節度使時澤  
潞旱甚晏擅發倉粟三萬石救饑者因上章請罪  
章奏而本道彈章亦至章宗謂宰相提刑職當然  
李晏義當然不之罪也

中州集小序李晏自號遊仙野人子仲畧曰丹源釣徒皆有集傳世仲畧子肯播克紹肯獲克守肯德克修

金元道山好問題張彥寶陵川西溪圖記云陵川在太行之巔蓋天壤間清涼境界也江淮太平散人題詩東廟自謂已造仙府恨居民不知其樂耳此縣先君子舊治晏遊西溪僕以童子侍焉彥寶出此圖求賦詩感今懷昔爲之愴然故篇中有及癸丑十一月三日題詩載藝文

陵川縣志

卷三十

叢譚

六

陵川集云陵川風土完厚人質直而尙義宋儒程顥嘗令晉城以經授諸士子故澤州之晉城陵川高平往往以經學名家雖事科舉而六經傳注皆成皆誦在宋時俊造輩出卽闔巷細民亦能道古今曉文理

中州集秦簡夫畧悼亾一詩高出時輩始荆公所謂看似尋常最竒懶成如容易却艱辛者耶年六十七卒有集行世

何中郝思温大字歌注云號東山雪菴高弟詩曰東

山手捉雪菴筆筆中出此萬鈞力重如岱岳鐘  
維奇如古鼎躍泗側點如蒼海之石首如參天  
之古栢曲如老龍恣盤拏橫如方城立鐵壁快如  
大澤斬蛇劍妖夔幻魑爭碎易巨靈引指太華攀  
三千獅子座舉臂可移得偶然揮毫出世間壯士  
不能擲瘞鶴銘摩甍碑後來者誰繼之我嘗見龍  
溪之字大如箕五百年間無此奇雪菴老東山子  
傳鉢曇花重現世崑崙以爲華東溟以爲硯青天  
以爲紙爲我寫太平兩大字持獻天皇九九八十

陵州縣志

卷三十

叢譚

七

一萬歲我歌爾字吾老矣

元好問曰金源氏有中國以科名選士一時瑰奇俊  
偉者不惟彙萃於一國且鍾聚於一家如河東李  
獻甫獻誠獻猷卿獻能兄弟一狀元三進士時人號  
爲四桂陵川武明甫俊臣天佑天和叔姪三狀元  
一進士時人號爲四鳳故當時稱科日盛者不曰  
河東李則曰陵川武云

元好問續夷堅志先人宰陵川泰和甲子元夕縣學  
燒燈有以杏棟棠栝枝爲剪綵花者燈罷家童乞

之供於縣署佛屋中四月上浣七夜先大夫焚誦  
次乃見杏棠皆作花真麝相聞先人會賓示之以  
爲文字之祥爲賦端花詩

陵川士人劉元方說兵亂後縣邸中人祈仙楊真君  
且降筆詩尤奇偉不凡嘗咏高麗紙詩八句批後  
云慎勿觸汚神物終當飛去席氏子婦產乳未終  
竊視之三日後開卷乃無一字但空紙而已論字  
汝知毫端心萬物不可礙龍盤一氣風雲走鯨化  
三山草木枯咏高麗匹紙霜入詞鋒月痕缺手中  
陵川縣志

卷三十 叢譚

八

不覺風雲掣

郝陵川論書云太嚴則傷意太放則傷法又云心正  
則氣定氣定則腕活腕活則筆端筆端則墨汪墨  
汪則神凝神凝則象滋無意而皆意不法而皆法  
郝文忠公陵川集門人壽俊護襲遺藁越五十年延  
祐時於懷州本家取發得陵川文集十八册三國  
志三十州

元延祐五年禮部尙書門人郭貫請刊文忠郝公遺  
文以山南江北肅政廉訪使其子文徵早卒遺集

慮散失呈請刊刻流布集賢學士李之紹呈奏侍  
制趙穆等考校詔發江西行省刊行是年冬門人  
江廣儒學馮良佐詳正上板明正德中沁水李司  
農瀚官楚求陵川舊刻久之始得復刊於鄂州  
國朝乾隆三年澤州朱太守樟訪遺集於陵川諸生  
武氏得李刻鄂州本授郡人員外郎王鏐復刻於

澤州

元王逢詩注文忠公羈旅自有以雁四十館公內一  
雁體質稍異命畜之於後雁見公輒張翮引吭而

陵川縣志

卷三十

叢譚

九

鳴公感動擇日率從者二十七人具香北拜三人  
昇鴈跪其前手書尺帛親繫雁足且致祝曰曩臣  
某敢煩鴈卿通信朝廷鴈其保重欲再拜鴈奮身  
入雲而去未幾虞人獲之於苑中以所繫帛書託  
近侍以聞上惻然曰四十騎留江南曾無一人鴈  
比乎遂進師南伐越二年宋亡書今藏諸秘監河  
南主客劉澹齋云詩見藝文

陶宗儀輟咄錄霜落風高恣所如歸期回首是春初

上林天子援弓繳窮海曩臣有帛書中統十五年

九月一日放鴈獲者勿殺國信大使郝經書於真州忠勇軍營新錦右五十九字郝公書也公字伯常澤州陵川人世皇名居潛邸歲己未扈從濟江王授江淮宣慰司副使中統元年拜翰林侍讀學士充國信使宋館於真州凡十有六年始得歸此書當在至元十一年是時南北隔絕但知紀元爲中統也

陵川縣志

卷三十一

叢譚

十一

輟畊錄何公巨川者京師長春宮道士也會世皇將取宋乃上疏抗言宋未有可伐之罪遂命副國信使郝文忠公經使江南沒於真州至正間詔追贈二品官有人作詩悼之云奇才不泄神仙事抗疏曾于世祖知每恨南邦本無罪比留北使欲何爲忠魂久掩孤城館褒詔新鐫二品碑地下若逢姦似道爲言故國黍離離

王士禎池北偶談金元間有兩郝天挺一爲元遺山之師一爲遺山弟子予考元史郝經傳云其先潞州人徙澤州之陵川祖天挺字晉卿元裕之嘗從之學裕之謂經曰汝貌類祖才器非常者是也其

一字繼先出於朶魯別族父和上拔都魯元太宗  
世多著武功天挺英爽剛直有志畧受業於遺山  
元好問累拜河南行省平章政事追封冀國公謚  
文定爲皇慶名臣嘗修雲南實錄五卷又註唐人  
鼓吹集十卷元時漢人賜號拔都惟史天澤張宏  
範見輟畊錄漢言勇也近常熟刻鼓吹集乃以爲  
隱逸傳之晉卿而致疑於趙文敏之序稱尙書左  
丞又於尙書左丞上安加金字誤甚

燕石集元宋娶張女詩序云女諱阿慶汝南忠武王  
陵川縣志

卷三十 叢譚

十一

第八女今翰林侍制郝陵川經所聘也日誦數百  
言尤工屬對十歲而逝元遺山續夷堅志記其事

三生常待玉宸君想象文姬一樣人露氣清凝  
仙掌夜天葩秀吐上林春木蘭歌怨征行苦柳絮  
才高老大身却是真魂埋不得綵鸞同與駕鸞輪  
所屬對今畧附於後如唾思昏昏如醉思問心寂  
寂似禪心洗硯黑雲浮水面折花紅雨落牆頭滿  
地梨花三月暮隔牆楊柳兩家春秋水芙蓉妝鏡  
曉煖烟楊柳畫屏春關山明月子規魂花柳東風



蝴蝶夢江頭鷗鷺不關名利也風波野外荆榛有  
底功勳承雨露驟雨翻空滌世間之塵垢飛虹飲  
黃海收天下之風雲

有人題太行石壁云太行千里連芳草獨酌一杯天  
地小醉卧花間人不知黃鸝啼破春山曉

明李新芳陵川宗約序云潘簡王爲太祖第二十一

子簡王子庚肅王號遐齡老人者陵川之始封也

嗣是而懷懿諸王出焉懷懿諸子有號孤松孤巖

孤雲者皆慕古好學樂善循理其子有浩菴益菴

陵川縣志

卷三十一

叢譚

十三

恕菴者有雲岬雲峰雲岫雲溪雲洲者皆博雅精

醇親賢友善陵川之盛如此天潢衍派始二百祀

有衆約十六萬玉牒名位滿巨萬中多賢而學古

然其時每格于宗伯下屬吏操予奪權承襲嗣繼

賄納顯晦有不得祿入而窮餓流離者讀元時郝

文忠罪言疏其相去正自遠矣

黃圍洞縣東南六十里洞內有山有谷有風門有雲

門有神井澄澈有石鶴雙飛人多見之有埽形壘

壘蓋石乳滴瀝凝結而成之者真竒觀也昔有人

乘炬深入四五里遇橫河一朽木不敢過過石歇帶一峯中空如門名曰天門雖委羽匡廬之勝曷多讓焉

龍門西山神廟前有異樹一株四季開花花色各別莫識何名土人謂之曰四季槐雍正間有欲伐者夜聞婦人啼泣聲甚哀遂止

興福寺後院有娑羅樹二株卽歐陽永叔所云七葉木也

邑人武觀中康熙丁酉鄉舉時有太谷生同名姓是

陵川縣志

卷三十

叢譚

三

歲元日夢已獲售名在六十一覺而喜遂棄一切就省中靜舍攻苦以待試期及場畢榜發奔視果然名次相合不及閱籍貫遠回家傳述專俟捷報日中報者不至咤甚急覓報錄檢查則陵川人也皆以爲異時晉省中額尙六十三人後始裁減

康熙二十五年白蒲掌村有焦聚者父亾母老兄弟四人聚行四三兄俱另爨母老家貧無人奉養聚年方十餘歲爲人傭佃艱苦備嘗以爲將母計至三十一歲時七月十二夜在郊外看麻忽被虎蹠

去同事者報知其家遍尋無跡合家號痛迄五更  
虎將聚駝送其家母懼閉門不納虎輒守至天明  
乃遁去當聚在虎背時聞有一老者隨虎呼曰此  
乃孝子不可傷厥後生子四女三年至七十餘卒  
人以爲孝德所致

橫子掌村民婦某氏歿七日矣舉而殯諸野途中棺  
忽有聲肩者驚走夫妄冀其復活也啟視之則呻  
以息遂舁歸竟甦數日能言先是村人於夜分時  
見土地祠跪兩婦人如官府對理狀及問氏云初  
陵川縣志

卷三十 叢譚

古

不知死恍惚有人引詣土地祠媪某氏先在神語  
兩人勃谿事謂命尙未盡遣還與村人語合蓋距  
媪某死甫一月時乾隆近年事

徐丹桂邑廩生生平正直遊於諫一夕無疾卒陵人  
不知也邑人王績素與徐友善於丹桂客卒日在  
本色四牌樓夜行見有威儀騎從而過者績以爲  
令及至降輿與績拊則徐也驚問之曰上某縣任  
耳復乘輿去績遂昏倒家人掖歸三日乃甦儲述  
夜遇丹桂狀且云恍惚中隨以往見新舊交代委

某代爲經畫並有遺囑家人語後豫討至與其所

言卒日果同云

石井村諸生范鳴岐丹桂故友也桂歿後十餘年一夕夢來昭云余以職滿陞任幕中需人知君鯁直數日盡特延襄助范愕然驚覺復寐則又夢云事已決期在明午急區處勿遲疑如是者三寤迷於家人咸不之信嘆咤不憚稍經理家事至午將出堂見客足踰闔忽瞪目曰請者至矣眩而仆竟絕事與前說印知不爲謬

陵川縣志

卷三十

贊譚

五

城東南九十里有地名東溝口溝深處萬丈絕壁有

棺在半崖間鐵紕及樹根蟠結不墜亦不朽樵夫

猿攀至其間以斧斫之去斧木印合不識何木雖

風雨漂搖常朱色李長吉謂天上葬神仙或者其

然

城東南百餘里有八寶洞洞中釜灶罍盂之數皆備

不牧豎山農雖千數人借炊無不足者但其器可用

而不可取一出洞口粉碎矣

地嶺山在城東八十餘里陵川多嶺山上地獨沃山

勢下縮上澗必側足乃可登耕田需牛然不能牽  
而上土人率擇小犢抱負而上飼之既長乃用以  
耕故名抱犢云

黑龍潭邑東南六十五里在隴谷深澗中天旱求雨  
者蹣跚至大石上跪投牒文牒文順壁而下入潭  
徐漩入淵若受牒不出三日必雨若不受飯頃牒  
復浮水面必有颶風吹之貼石壁間字不倒紙亦  
不腐俗傳有樵夫伐木誤落木屑於潭中須臾黑  
雲從潭出樵夫急行水窟隨作奔避一洞窟猶橫  
陵川縣志

卷三十一

叢譚

共

飛而入哀祈良久乃免乾隆四十三年初夏旱知  
縣程德燭步禱有應

志將成忽有感曰凡事豈非前定哉余母氏夢赤  
雷繞舍而生余故名以應雷又余少時每夢陶復  
陶穴形吾鄉無是也及官晉見民居窰房歷歷如  
夢中前雷令脩志後歷四十年而余繼其事數有

前

惘然歎

素源

